



Broj: 01/12-02-1109/25
Datum: 26.05.2025. godine

**PREDSTAVNIČKOM DOMU
PARLAMENTA FEDERACIJE BIH**

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 20-05-2025			
Org. jed.	Broj	Priloga	Vrijednost

Komisija za pitanja mladih Predstavničkog doma Parlamenta Federacije BiH (u daljnjem tekstu: Komisija) na 12. sjednici, održanoj 23.05.2025. godine razmatrala je sljedeći dnevni red:

1. Usvajanje zapisnika s 11. sjednice Komisije,
2. Prijedlog zakona o Izmjenama i dopunama Krivičnog zakona Federacije BiH,
3. Razmatranje Prijedloga programa rada Komisije za period 2025.-2026. godina,
4. Priprema tematske sjednice o položaju i potrebama mladih u Federaciji BiH,
5. Tekuća pitanja.

Na osnovu člana 44. a u vezi sa članom 68. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

IZVJEŠTAJ

Ad – 1. Usvajanje zapisnika s 11. sjednice Komisije

Zapisnik sa 11. sjednice Komisije usvojen je sa šest glasova za i jednim *suzdržanim* glasom.

Ad - 2. Prijedlog zakona o Izmjenama i dopunama Krivičnog zakona Federacije BiH

Nakon uvodnih napomena predsjednice, članovima Komisije se obratila ovlaštena predstavica Federalnog ministarstva pravde, te detaljno obrazložila Prijedlog izmjena i dopuna Krivičnog zakona Federacije BiH. Nakon obavljene diskusije, Komisija je jednoglasno podržala usvajanje Prijedloga zakona o Izmjenama i dopunama Krivičnog zakona Federacije BiH.

Ad – 3. Razmatranje Prijedloga programa rada Komisije za period 2025.-2026. godina

Predsjednica je dala uvodne napomene te konstatirala da su članovi Komisije putem e -maila dobili prijedlog programa rada koji je nastao kroz diskusiju na prethodnim sjednicama kada su članovi iznosili svoje prijedloge o tome šta bi trebao biti plan rada Komisije do kraja

trenutnog mandata. Predsjednica je otvorila diskusiju te još jednom pozvala sve članove da daju svoje prijedloge i sugestije. Nakon obavljene diskusije i iznesenih novih prijedloga sa osam glasova *za* i jednim *suzdržanim* glasom usvojen je sljedeći:

Prijedlog Programa rada Komisije za 2025. i 2026. godinu:

1. Tematske sjednice o potrebama i položaju mladih u Federaciji BiH
2. Uspostavljanje saradnje i koordinacije sa kantonalnim komisijama/odborima koji se bave pitanjima mladih u kantonalnim skupštinama i Federacije BiH
3. Posjeta Federalnom ministarstvu za rad i socijalnu politiku, Federalnom ministarstvu kulture i sporta – sektor za mlade i Ministarstvu civilnih poslova BiH
4. Okupljanje i koordinacija sa omladinskim udruženjima u Federaciji BiH
5. Analiza Zakona o mladima u Federaciji BiH, sa prijedlogom izmjena i dopuna sa ciljem efikasnije primjene i implementacije zakona na federalnom nivou
6. Analiza kreativne industrije u Federaciji BiH i inicijativa zakonske regulative u Federaciji BiH
7. Dijalog sa mladima – diskusije, razmjene mišljenja sa mladima u Federaciji BiH
8. Kreiranje i dostava inicijativa iz oblasti informaciono – komunikacijskih tehnologija, cyber sigurnosti, vještačke inteligencije i digitalnog razvoja
9. Uspostavljanje saradnje sa omladinskim (ne)formalnim organizacijama i grupama iz bh dijaspore
10. Inicijativa za usvajanje Strategije za mlade Federaciji BiH, Savjeta za mlade i godišnjeg izvještaja o položaju mladih u Federaciji BiH, te praćenje realizacije akcionih planova
11. Analiza budžeta za potrebe mladih u Federaciji BiH, povećanje Transfera za mlade,
12. Razmatranje zakonske regulative i akata Vlade Federaciji BiH, koji su dostavljeni u parlamentarnu proceduru iz nadležnosti Komisije.

Ad -4. Priprema tematske sjednice o položaju i potrebama mladih u Federaciji BiH

Predsjednica Komisije informisala je ostale članove o sastancima i razgovorima koje je imala u prethodnom periodu sa predstavnicima Vijeća mladih Federacije BiH, Institutom za razvoj mladih –KULT i Westminster fondacijom u BiH o potrebi organizovanja tematske sjednice Komisije a koja će najvjerojatnije biti održana u septembru 2025. godine. Predsjednica je naglasila da je o svemu upoznala članove na prethodnoj sjednici. Predložila je da bi zbog efikasnijeg rada i opsežnih priprema trebalo osnovati radnu grupu u čijem sastavu bi bili:

1. Adisa Kokić –Hinović, predsjednica Komisije
2. Irma Rešidović, predstavnik Vijeća mladih Federacije BiH,
3. Predstavnik Instituta za razvoj mladih-KULT
4. Predstavnik WFD-a

Ovaj prijedlog predsjednice ostali članovi su podržali. Uslijedila je diskusija nakon koje se pristupilo izjašnjavanju o zaključku o potrebi organiziranja i održavanja tematske sjednice Komisije o potrebama i položaju mladih u Federaciji BiH. Sa osam glasova *za*, jednim *suzdržanim* glasom usvojen je navedeni zaključak.


Ad-5. Tekuća pitanja

Pod ovom tačkom dnevnog reda, predsjednica Komisije je predložila da se uputi zahtjev za dopunu dnevnog reda 21. redovne sjednice Predstavničkog doma Parlamenta Federacije BiH

zakazane za, 28.05.2025. godine sa tačkom " Strategija za mlade u Federaciji BiH za period 2025. -2034. godina koja je bila predložena na dnevnom redu prethodne sjednice Predstavničkog doma. Nakon diskusije članovi Komisije su se izjašnjavali o prijedlgu predsjednice, te je konstatirano da sa četiri glasa *za*, jednim glasom *protiv* i četiri *suzdržana* glasa ovaj prijedlog predsjednice nije usvojen.

Članovi Komisije su se zartim izjašnjavali o zaključku koji je predložio Amir Purić, a koji glasi: "Komisija za pitanja mladih uputit će zahtjev rukovodstvu Predstavničkog doma kojim se traži da se Strategija za mlade u Federaciji BiH za period 2025. -2034. godina uvrsti na dnevni red prve naredne sjednice Predstavničkog doma koja će biti zakazana u junu 2025. godine." Ovaj prijedlog zaključka usvojen je sa sedam glasova *za*, jednim glasom *protiv* i jednim *suzdržanim* glasom.

U skladu sa članom 53. Poslovnika Predstavničkog doma za izvjestioca je određena Adisa Kokić-Hinović, predsjednica Komisije.

PREDSJEDNICA KOMISIJE

Adisa Kokić-Hinović